



TRÁMITE DE CONSULTAS NO PROCEDEMENTO DE AVALIACIÓN AMBIENTAL ESTRATÉXICA

Nome do plan: Plan especial de dotacións

Órgano promotor: Concello de Melón

Expediente: 2014AAE1742

Código web: 1670/2014

O día 13.10.2014 recibíuse na Consellería de Medio Ambiente, Territorio e Infraestruturas un escrito da alcaldesa do Concello de Melón co que achega o documento de inicio do “Plan especial dotacións no Concello de Melón” para que se determine se debe someterse ou non ao procedemento de avaliación ambiental estratéxica (AAE).

Con anterioridade, o 13.08.2014, o secretario xeral de Calidade e Avaliación Ambiental decidiu non someter ao procedemento de avaliación ambiental estratéxica o “Plan especial dotacións no Concello de Melón” (expediente 2014AAE1723). Non entanto, o novo documento de inicio recibido incorpora modificacións (maior superficie do ámbito para poder crear zonas verdes e cumprir así os estándares urbanísticos da Lei 9/2002, do 30 de decembro, de ordenación urbanística e protección do medio rural de Galicia, e distintas alternativas) que fan necesaria unha nova avaliación dos posibles efectos do plan sobre o ambiente e outro pronunciamento sobre a necesidade de sometelo ou non a AAE.

Así pois, unha vez avaliada a documentación presentada e considerando que:

1. A Lei 9/2002, do 30 de decembro, de ordenación urbanística e protección do medio rural de Galicia (LOUG) -coa entrada en vigor da Lei 2/2010, do 25 de marzo, que a modifica- integrou no procedemento de aprobación dos instrumentos de planeamento urbanístico o proceso de AAE previsto na Lei 9/2006, do 28 de abril, sobre avaliación dos efectos de determinados plans e programas no ambiente.
2. Os plans especiais sométense ao procedemento de AAE cando así o decida o órgano ambiental en cada caso, agás que o planeamento xeral que desenvolvan fose xa sometido a AAE, de conformidade co establecido no artigo 5.d da Lei 6/2007, do 11 de maio, de medidas urxentes en materia de ordenación do territorio e do litoral de Galicia.
3. O artigo 4.1 da Lei 9/2006, do 28 de abril, sinala tamén que a decisión do órgano ambiental debe ir precedida dunha consulta, polo menos, coas administracións afectadas, se ben esta Secretaría Xeral fai extensivas as citadas consultas ao público en xeral co obxecto de favorecer a transparencia da tramitación e a participación cidadán.
4. No suposto de que se decida someter o plan especial a AAE, as observacións e suxestións presentadas teranse tamén en consideración na elaboración do documento de referencia (DR), co fin de evitar a duplicidade de trámites e en aplicación do criterio de celeridade nos termos establecidos polo artigo 75.1 da Lei 30/1992, do 26 de novembro, de réxime xurídico das administracións públicas e do procedemento administrativo común. No documento de referencia, previsto no artigo 9.1 da Lei 9/2006 do 28 de abril, determinarase a amplitude, nivel de detalle e grao de especificación do informe de sustentabilidade ambiental (ISA).
5. A Secretaría Xeral de Calidade e Avaliación Ambiental é o órgano competente para a tramitación dos procedementos en materia de avaliación dos efectos de determinados plans e programas no ambiente, segundo indica o Decreto 44/2012, do 19 de xaneiro, polo que se establece a estrutura orgánica da Consellería de Medio Ambiente, Territorio e Infraestruturas.



ACÓRDASE:

Someter a consulta pública durante un prazo de vinte días naturais o documento de inicio do “Plan especial de dotacións do Concello de Melón”, como paso previo a adoptar a decisión sobre o seu sometemento a avaliación ambiental estratéxica.

As administracións públicas afectadas, o público interesado e o público en xeral poden formular as observacións e suxestións que estimen oportunas **en relación aos posibles efectos ambientais significativos** e tamén, se se decide someter o plan de especial a avaliación ambiental, en relación á amplitude, nivel de detalle e grao de especificación que debería ter o informe de sustentabilidade ambiental.

As observacións e suxestións poderán ser formuladas por calquera das seguintes vías:

- A través do formulario informático habilitado na páxina web da Consellería de Medio Ambiente, Territorio e Infraestruturas (<http://www.cmati.xunta.es/programas-con-periodo-de-consulta-aberto>)
- A través do enderezo electrónico (avaliacion.ambiental.estrategica@xunta.es)
- Mediante fax remitido ao número 981.541.048
- Mediante escrito presentado no rexistro administrativo da Consellería de Medio Ambiente, Territorio e Infraestruturas, situado nas súas dependencias de San Lázaro s/n, en Santiago de Compostela.

En calquera dos medios empregados deberá identificarse quen formula as observacións e suxestións (nome da unidade administrativa, ou nome do colectivo, ou nome e apelidos da persoa), facilitando tamén os datos de contacto.

A decisión que se adopte tras o período de consultas farase pública na páxina web da avaliación ambiental estratéxica de plans e programas da Consellería de Medio Ambiente, Territorio e Infraestruturas (http://www.cmati.xunta.es/tema/c/Avaliacion_ambiental).

Santiago de Compostela, 14 de outubro de 2014